

華東卷

【上編】



地

方

志

人

物

傳

記

資
料
叢
刊

國
家
圖
書
館
編

北京圖書館出版社

【華東卷】

上編

第二冊

地方志人物傳記資料叢刊

國

家

圖

書

館

編

北京圖書館出版社

第二冊目錄

(宣統)山東通志(二)

職官志(二)

清朝宦迹

總督

濟南府

德州府

泰安府

東平州

武定府

濱州

兗州府

濟甯直隸州

沂州府

莒州

曹州府

一

三〇

三九

四五

四六

五〇

五三

五七

六四

六九

七一

七三

濮州.....七五

東昌府.....八一

高唐州.....八六

青州府.....九二

登州府.....一〇一

甯海州.....一〇五

萊州府.....一〇七

平度州.....一〇八

膠州直隸州.....一一一

學校志(一).....一一五

徵辟表.....一三二

進士表.....二五一

舉人表.....

明.....

學校志(二).....六七一

清徵辟表.....

清進士表(嘉慶朝以前).....六八一

山東通志卷七十四

職官志第四

國朝官蹟

總督

張存仁字完貞漢軍鑲藍旗人順治七年由浙閩總督調任直隸河南山東三省總督勦除榆園巨寇招撫流民興廢釐弊三省之民至今頌之晉一等子諡忠勤

濟南志

李蔭祖字繩武漢軍正黃旗廕生順治十一年授三省總督疏請豁免被災州縣秋糧又以流民遺歸原籍恐道殣者多請隨地安集卽時散賑并請免逃人連坐之令

職官志

嘗會勘至山東時值禁旅養馬省會州邑解芻豆至者收役留難不給通關一日微服立

山東通志卷七十四

職官志

山東印書館刊印

營伍中好語勸之橫詆不顧無何標下牢役至遂置之法三軍肅然他若濟南西郭高大膽之妻子五口被殺節婦趙氏主僕被殺皆數年不決之獄一訊而服官至湖廣總督祀名宦

同上

祖澤溥遼東人順治十八年由山西總督調山東總督值土寇于七倡亂據登州棲霞之鋸齒牙山官軍莫敢入澤溥下車卽躬擐甲冒爲士卒先一日之內克其三寨賊衆悉降乃相度機宜分兵戍守登萊以甯祀名宦

志一統

田文鏡漢軍正黃旗人由刑部郎中改御史康熙五十五年巡視長蘆鹽政疏言山東商人願先輸課增復原引

旨下九卿議奏如所請行雍正五年授河南山東總督轄兩省疏言交界地方易藏匪類請嗣後如隔屬密拏賊盜有縱奪徇庇者

許肇盜之地方官詳本省督撫移咨會參又言東省錢糧舊欠二百餘萬之多雍正六年錢糧將屆全完之期完不及五分由於火耗太重私派太多今欲禁派耗必先禁陋規請清查禁革七年遵旨議奏山東青州爲適中要地設立滿洲駐防兵以資彈壓而重保障府北城外有東陽古城可駐兵皆如所請行十年卒設端肅祀名宦

濟南志

王士俊貴州平越人康熙六十年進士改庶吉士雍正十年由湖北巡撫授河南山東總督疏言東省舊設衛所屯地分布各州縣相距既遠催徵輸納均有未便請將萊州府屬之龜山靈山二衛守備浮山雄崖二所千總裁汰改設巡檢把總等官屯地錢糧歸併附近平度膠州卽墨高密四州縣徵收各屯戶與民一體排甲

山東通志卷七十四

職官志

二

山東印書館刊印

編審人皆稱便

同上

楊錫紱號蘭畹江西清江人雍正五年進士由吏部主事累遷禮部尙書乾隆二十一年出爲山東巡撫時二十一州縣被水奏請蠲貸有差糶常平米減價三分之一以魚鹽土城低窪請移置高處次年授漕運總督既視事諮訪利病與革與衆同欲慮運河阻滯與河臣謀疏浚以時蓄洩俾通達無窒在任十二年漕泊甯靜著有漕運全書行世諡勤愨

國朝先正事略

朱桂植號樵菴江蘇上元人嘉慶四年進士由吏部主事累遷甘肅布政使調山東道光九年授漕運總督漕運爲倉儲首務歷二百載吏丁窟宅其中爲奸利因自收徵兌運開墾倉背諸竇皆潛察而嚴禁之故廉入而用裕轉運以時無舐滯官至兩廣總督諡

莊恪

河督

楊方興字淳然遼東廣甯人天命六年舉人授理事官王師定鼎燕都時山左草竊蠭起以方興爲兵部侍郎建節南行尋會兵取趙應元於青州山嶠崔澤之寇如榆園梁山諸砦次第削平飭厲守令招撫流移勸課農桑殘黎因之更生嗣是而河防之議興焉初明制河督以運河爲專司雖兼轄黃河其修決防汛則沿河州縣任也一應補救小則道府相度大則撫按具題遣部院大臣會同經理河督會疏畫題而已至是始統於一時河屢決屢塞順治七年荆隆之役合三省夫十餘萬凡四五年費金錢數百萬計事竣而異議興遂致仕歸卒祀名宦

山東通志

卷七十四

職官

宦蹟一

三

山東通志

朱之錫號梅麓浙江義烏人順治三年進士改庶常授編修遷學士十四年出爲河道總督承楊方興之後凡修守運河隄岸夫役工程錢糧一一條奏報可十八年再任先後在任十年功著揚豫爲多疏言南旺爲運河之脊北至臨清南至嘉莊全賴四十餘閘啟閉節宣以資輓運若差船兵船不時駛至應閉者強之使開應開者強之使閉則重運易阻乞

天語申飭俾各遵例禁先是壬寅秋歲大祲山左中州道殣相望

設法倡賑全活甚衆康熙五年以勞卒乾隆四十五年

高宗巡視河工允大學士阿桂請

敕封河神屢加

封號

國朝先
正事略

靳輔字紫垣漢軍鑲黃旗人國史院編修內閣學士康熙十年巡撫安徽十六年總督河道時駱馬湖水勢橫決風濤之險運艘商船皆罹其患乃請開新河以避其險河成而忌者中傷之遂解任其後新河之效頗著

詔復任未期歲卒諡文襄祀名宦濟南志著有治河方略一書奏疏若干卷皆論古今治河成敗之效謂經生論河莫不侈買讓三策其實不然讓上策欲徙冀州之民自宋時河徙已非漢之故道中策多張水門早則開東方下水門以溉冀州水則開西方高門以分河流不知黃河所經卑卽淤高數年之後水從何放且禹貢言九澤既陂陂卽今之隄也蓋水勢甚平而地勢有高下使非約束之以隄水由卑地能無漫潰乎讓以繕完故隄增卑培薄爲下策

山東通志

卷七十四

職官

宦蹟一

四

山東通志

是故與禹貢相反矣故治河專主築隄束水續川告成其詳具載於書實千古河防龜鑑也

正事略

于成龍漢軍鑲黃旗人康熙七年由廕生授樂亭縣累擢至巡撫三十一年授河道總督疏言靳輔令河員購柳束工部駁減銀一萬八千兩今覆核無虛冒又向來募夫遠方給安家路費工完扣抵今隄工中止無從追繳並與豁免又運河自通州天津至山東嶧縣卑薄各隄宜加築高厚皆報

聞三十九年卒諡襄勤

濟南志

張鵬翮字運青四川遂甯人康熙庚戌進士由翰林出守蘇州調兗州三十九年任河道總督節浮費汰冗員恤工役經理河務者十年官民皆沐其惠既內遷會汶水旱涸運道梗塞奉

命勘視請疏坎河鵝爪諸泉分注南旺濟運而於彭口築陸障沙
水入微山湖又言山東運道有沙河馬場等湖及諸山泉本可濟
運祇因湖隄殘缺民間竊種湖地致諸泉壅塞為漕艘患今已築
堤蓄水運道自可通利

優旨允行官至大學士諡文端

國朝先
正事略

陳鵬年字滄洲湖南湘潭人康熙三十年進士歷官守令以清慎
著六十年任河道總督時武陟口屢決屢塞汎濫山東張秋直隸
長垣等處鵬年請於上流對岸廣武山下及王家溝官莊峪開引
河皆如所請由是晝夜河干寢食俱廢乃禱於神嘗以身殉河忽
因凍而決口自合因兼工築岸比工竣竟不起設恪勤

濟甯志

齊蘇勒滿洲正白旗人姓納喇氏山內務府主事累擢山東按察

山東通志卷七十四

職官 官職一

五

山東印刷局代印

使雍正元年署河道總督尋實授奉

旨豫籌山東諸湖著洩事宜以利漕運疏言汶上縣之南旺馬踏
蜀山等湖東平州之安山湖濟甯州之馬場湖魚臺縣之昭陽獨
山等湖滕嶧二縣之微山鄒山等湖皆泄道所資以蓄洩昔人名
曰水櫃因土人乘涸佔種漸致狹小宜棄湖水稍落時除墾熟田
畝外丈量立界嚴禁侵佔設法蓄水如遇運河水漲引注湖中稍
平即築埝截堵遇運河水淺則引之從高下注其諸湖或應築隄
栽樹或應建閘啟閉令各州縣循例辦理則湖水深廣運道流通
漕艘無阻滯之虞矣

濟甯志

又言

治河物料葦柳為先柳多則工堅

帑省柳少則葦多而工不固現飭道廳及營弁各於空閒地段栽
種柳秧據報成活八十九萬二千餘株又山東河南蓄水沮洳之

地皆可種葦令廳員買葦根試種近據報微山湖種葦八頃餘已
有成效應請嗣後凡種柳八千種葦二頃者各予紀錄二次得
旨允行卒諡勤恪建祠令有司春秋致祭

國朝先
正事略

嵇曾筠號禮齋江蘇常州人康熙四十五年進士由編修累擢兵
部侍郎署河南巡撫雍正元年河決中牟

詔往督築疏言兩岸隄工在在危險北隄起滎澤縣訖山東曹縣
界南隄亦起滎澤縣訖江南碭山縣界臣同總河齊蘇勒勘明最
險應修處共長十二萬三千七百九十六丈請動帑興工部議從
之七年授東河總督疏言運河五廳額設淺溜橋閘等長夫冬春
小挑大挑不敷力作請增募夫役舊額夫工多寡不同請酌定歲
給工食并量給器具各銀確數按工計夫按夫給價庶無浮冒均

山東通志卷七十四

職官 官職一

六

山東印刷局代印

下部議行官至大學士諡文敏

諭照新輔齊蘇勒之例一體祠祀

濟甯志

完顏偉字清逸滿洲鑲黃旗人乾隆八年以兵部侍郎總督河東
河道宅心仁厚為政和平究心河洛之學凡閘工檢料悉以數默
記之無或遺十三年調副都御史未之任以勤瘁卒於工所

濟甯志

張師載字又渠號愚齋河南侯封人禮部尚書諡清恪伯行子康

熙丁酉舉人由戶部郎累遷倉場侍郎乾隆十六年授江安巡撫

遷漕督二十二年調東河總督時山東孫工決口冒風雪駐河岸
自冬歷春築始完嘗言東河土性水勢與江南異兩岸相距寬宜
多挑引河以殺險土多浮沙宜厚培客土以實虛治河者服其言

卒諡懿敬

國朝先
正事略

李宏字用茲號湛亭漢軍正藍旗人乾隆元年授揚河同知累遷淮徐道二十九年擢東河總督疏言微山湖爲山東江南二省濟運之要區蓄水最宜充盈又泗河源出泗水縣陪尾山諸泉彙合秋冬之際與其收入獨山僅濟南陽以南之運不若收入馬場湖俾濟甯上下河道並資其益疏上報可旋調南河總督濟甯志嵇璜字黼廷大學士曾筠子雍正七年進士由編修累擢禮部尙書乾隆三十一年授河東總督蒞任後裁壩夫裁隄柳除墊崖貼坡諸弊嘗勘驗曹縣三堡河溜漸偏議下埽而未定何所夜夢金甲神指溜處曰吾張桓侯也速下埽吾與趙順平助汝驚起周視形勢如所指下之竟得安濶乃奏建桓侯及順平侯廟於隄岸列祀典蓋

山東通志

卷七十四

職官 宦蹟一

七

山東印刷公司印

聖朝百靈效順亦河臣精誠之所感格也官至大學士諡文恭國朝先正

吳嗣爵字樹屏浙江錢塘人雍正八年進士吏部主事乾隆三十三年權東河總督疏言洳河廳屬丁廟六里等閘運河廳屬南旺壩分水口對岸口捕河廳屬荆門閘戴村壩及臨清以北之民埝南旺以南之官隄請分別修治

上嘉之官至吏部侍郎

濟甯志

姚立德字次功浙江仁和縣人乾隆元年由廕生主事遷山東泰安府調濟南三十年任運河道三十六年擢山東按察使署布政使旋署東河總督三十九年二月實授遼

旨會勘江南潘家屯舊河挑引渠築鉗口石壩值陽穀逆匪王倫

之亂

命守東昌遂引運河水灌城濠並檄陽穀令毀賊祖墳而賊大困因會大學士舒赫德督勦旅合勦無一脫者濟甯志

蘭第錫山西吉州人乾隆庚午舉人由直隸知縣擢正定府授永定河道四十八年署東河總督查出柳圈葦塘隙地可耕一百餘頃六堡以東至河尾舊有官田二十三頃曹縣舊河無糧灘地二十餘頃請分別招佃徵租得

旨此有益於民之事妥爲之五十二年奏挑南陽昭陽微山等湖渠旋實授河督是年十月

命同山東巡撫長麟會勘東省運河歲修工程覆奏得

旨依議行嘉慶二年卒於官

國朝實錄

山東通志

卷七十四

職官 宦蹟一

八

山東印刷公司印

陳鳳翔字竹香江西崇仁人嘉慶十四年由永定河道擢東河總督會歲早微山湖水止六尺有奇濟甯回空糧艘未出境者凡數十幫因援前任姚河督開挖江境潘家屯之例請啟放江南銅沛廳屬蘇家山閘引黃下注由蘭家山遞達微湖以濟來年重運諭如所請行越歲調南河總督濟甯志

吳邦慶字舜峯直隸霸州人嘉慶丙辰進士道光十二年由江西巡撫調東河總督見濟甯學宮殿檮摧頽門廡傾圮謀於州牧捐俸爲倡逾年落成值禮闈試館選者三人州人士立石記之祀州學報功祠同上

栗毓美字模園山西渾源州人嘉慶六年以拔貢生官河南知縣累擢布政使道光十五年授東河總督督乘小舟周歷南北岸知

拋甄作塙之可用疏請減買礮石銀備甄價計千甄爲一方價六兩嗣後每有工役碎石及稽掃用大減數年間節官銀百三十餘萬而工益堅故在任五年河不爲患間值風雨危險必躬親之居平河曲折高下向背皆在其隱度輒曰水將抵某所亟備之或以爲迂且勞費日能知費之爲省乃真能省費者也已而水至乃歎服以爲名言正事國朝先嘗倡修濟甯文廟鄒縣孟廟東平冉子祠並籌捐濟甯漁山書院經費銀四千金又捐設武營兵丁子弟義學八處蓋愛士卹民之心未嘗一日忘也卒諡恭勤濟甯志

巡撫

陳錦字天章奉天錦州人順治元年任登萊巡撫削平寇氛安輯士庶三齊賴之登州志

山東通志卷七十四

職官 宦蹟一

九

山東印刷局公辦印

方大猷號歐餘浙江烏程人順治元年五月授監軍道隨侍邸王鼐永招撫山東七月擢山東巡撫疏請崇祀孔子定闕里儀制旨先師爲萬世道統之宗禮當崇祀昭朝廷重道尊師至意下部詳議舉行復請以無業荒地分給流民及守兵屯種三年後起科開長清等處礦廠鑄錢充餉行保甲以弭盜減鹽課以卹商皆議行又疏薦明庶吉士張瑞主事李森先等得

旨錄用時兗沂間土寇甚多遣兵剿撫屢奏績焉

濟南志

丁文盛遼東廣甯人隸銀黃旗漢軍順治元年授山東登萊兵備道二年擢巡撫是時濰縣土寇張廣糾衆犯萊州檄游擊馮武卿等分剿廣中鏖死餘黨悉平疏言明季馬政廢弛間閭致滋擾累自今各驛馬宜以餘存驛站額銀隨時買補又言東省當兵燹之

後明季所增牙雜二稅請盡行除免臨清東昌平山諸衛設兵五千有餘虛額過半請裁留二千以節軍餉令州縣各募壯丁限則聽其自謀生理遇盜賊竊發協力捍禦又請清理庶獄嚴禁獄卒非法陵虐皆下部議行上同

蔣國柱字君砥漢軍鑲白旗人由官學生累擢江甯巡撫順治十八年任山東巡撫康熙元年疏言登文兩營歲需兵餉十五萬兩有奇坐派登州府屬就近支領自遭于七變亂以來征輸難繼請動藩庫銀五萬兩解運支應候催徵補還又疏報樂安壽光等州縣寇地一千四百一十一頃有奇自前明迄今有編入民糧者有報作迷失者應撤出歸還其民地缺額糧銀請於荒蕪民地勸諭開墾補足完課從之官至工部尙書上同

山東通志卷七十四

職官 宦蹟一

十

山東印刷局公辦印

周有德字彝初漢軍鑲紅旗人由宏文院編修累遷學士康熙二年授山東巡撫會大饑請蠲通省租賦復請以工代賑於是流民復業又疏言歷城縣有明季廢藩地畝應如民田科賦不宜仍明時租額徵收又請復孤貧口糧舊額並寬沿海居民海禁聽其捕魚資生又言德州駐防兵丁應如陝西浙江例准支月糧舊給民地五百餘頃仍還之民又言各省州縣官有因錢糧未完被劾者若於離任之先如數輸納請仍留舊任又以兗州濟南東昌青州四府旱災請加賑卹登萊二府歲亦歉收請免本年額賦疏皆下部議行官至雲貴總督上同

劉芳燭字增美順大宛平人順治進士康熙七年由內秘書院學士擢山東巡撫疏報開墾荒地萬二千二百六十畝有奇旋因地

震請格外錫卹又言山東衆山縣互瀕海臨河易藏匪類向賴守巡各道彈壓請仍設東兗巡道登萊守道增設濟東守道青州巡道以資控制又言地方緝盜豫勒名數百弊叢生蓋事主被盜倉皇實難得其數少報則漏網多報必誣攀嗣後報盜如盜數不止將失事情形題報不得豫勒具數以致捏陷又言獲盜初供不必先敘俟全獲確訊真偽列入奏疏方成信讞又言東省素不產銅惟收買舊錢供鑄今舊錢盡而銅缺仍按卯鼓鑄不惟銅價騰貴且恐鑄多錢壅請撤局停鑄皆如所請行

山東通志

卷七十四

職官 宦蹟一

十一

山東印刷局印

特旨如所請行調浙撫未行仍留原任卒諡清獻

上同

張鳳儀字來之宣化深井人進士康熙十年田內閣學士巡撫山東侃直無私勵官方核兵餉懲刁棍禁強暴卹災捍患下無不達之隱營幕無錫高忠憲同善會本朱子義倉之意而推行之又以舊通志未經續修集文士修輯將藏事以憂去

上同

趙祥星號松石漢軍正白旗人順治五年由貢生官山西趙城縣行取御史累遷大理卿十二年授山東巡撫時軍興需費請以暫裁通省存留支給銀二十餘萬兩充餉又請清理山東隱漏地畝四萬一千餘頃擢兵部尚書仍留巡撫任十八年疏言去歲雨澤愆期秋成歉薄除現在賑濟外請將常平倉穀贖錢動支接賑得旨允行

上同

施維翰號硯山江蘇華亭人順治九年進士授江西臨江府推官累擢副都御史十八年授山東巡撫甫至官屬歲稔流民日益衆令各府州縣多方勸諭煮粥給食請截留漕米五萬石同濟南倉存儲米石動支散給又因青萊距臨清倉遠請永行改折以息轉輸又因米豆翔貴請一應兵馬支應照價估辦以甦賠累遷浙督調閩督卒諡清惠

正 國朝先
略

山東通志

卷七十四

職官 宦蹟一

十二

山東印刷局印

張鵬號南濱江南丹徒人順治十八年進士授中書康熙十一年充山東鄉試副考官累遷左副都御史二十三年授山東巡撫疏言濟東萊青兗五府俱有額徵解運臨倉米麥距倉既遠脚價累民請改解折色又請將曲阜顏氏地畝照孔氏例輕徵均下部議行小清河故道久淤新城高苑兩縣民操械相爭因躬歷下邑詢河要害浚河故道通錦秋湖而清沙泊不受水患官至吏部左侍郎

上同

耶永清字定菴奉天廣甯人廕生初任東昌道遷按察使值于七變亂之後逆案牽連至七百餘起殫心訊鞫釋豁者多歷湖南河南布政使康熙二十五年巡撫山東在東凡四十年政績爲最著云祀名宦

上同

錢鉉浙江長興人由舉人官陝西涇陽令行取御史累遷順天府尹康熙二十六年授山東巡撫疏言德州常豐二倉向有州縣額解之米以備駐德州兵及各營月米過往官兵口糧但各屬解倉各營赴領道遠費煩應改於就近州縣兌支有不敷者估價折給至臨清營歲支米石無就近兌支之州縣應照時價題明折給自行採買其德州額米仍照徵以備過往官兵支用則民省轉輸之勞兵無賦載之苦且節席草脚價等費請自本年為始定為例部議從之又言曲阜元聖周公廟祭祀禮樂與廟戶佃戶請如顏子例酌給下九卿議尋議周公廟應設贊禮生二十名廟戶佃戶各十人

上同

佛倫滿洲正白旗人姓舒穆祿氏由筆帖式兵部主事累遷工部山東通志卷七十四

職官 宦蹟一

十三

山東印刷公司印

尙書康熙二十八年授山東巡撫疏言東省賦役不均凡紳矜貢監戶下悉免雜差遂有奸民詭寄田畝規避徭役請嗣後紳戶田畝令與民戶一例應役以釐積弊又言東省本年豐收紳民願每石捐輸二合以爲積儲合計得穀二十五萬餘石用備荒歉疏並下部議行

御賜水鏡堂額以褒之擢川陝總督官至大學士後人立祠於大明湖上與明之鐵公並稱焉祀名宦

上同

王國昌漢軍正白旗人由筆帖式累遷兵部督捕侍郎康熙三十七年任山東巡撫疏陳東省便民事宜一倉穀循例存七糶三於青黃不接時減價平糶秋收糶穀還倉一德州倉米支放各營兵糧向係四季徵收春夏農忙時輸將難於猝辦應動支司庫銀買

米支放其額徵米石俟秋收徵一額徵班匠銀四千兩均入地丁項下徵解一魯藩舊基地聽民種墾輸租卽於開墾之年升科給帖俾爲恒業下部議行四十一年夏萊蕪新泰東平沂州蒙陰沂水六州縣被水請開倉賑濟並捐俸三千兩有奇補賑四十二年秋新泰等州縣復被水災請將倉穀百二十餘萬石並應運漕米十餘萬石平糶旋以擅發倉穀解任五十二年

萬壽單恩給還原職

上同

李鈞字長源漢軍正黃旗人三省總督蔭祖子由佐領授兵部員外郎累擢兵部侍郎康熙三十七年授山東巡撫以疾辭旋授安徽巡撫四十二年山東泰安等處饑有

旨屢倉粟不繼許官民願助賑者酌予議敘因請捐資助賑力疾山東通志卷七十四

職官 宦蹟一

十四

山東印刷公司印

來東擇被災最重之新泰縣自冬徂夏計口授食尋病篤命其子純德踵而行之全活災民甚重未幾卒於賑所祀名宦

上同

蔣陳錫江蘇常熟人康熙二十四年進士陝西知縣累遷河南按察使四十七年九月授山東布政使十二月擢巡撫疏陳海防三事一戰船更番修葺以重巡防一水手召募熟諳者以資駕駛一沿海村莊團練鄉勇互相策應又請增山東鄉試中額部議於舊額六十名外增十二名官至雲貴總督

上同

李樹德漢軍正黃旗人三省總督蔭祖之孫巡撫鈞子康熙五十五年由登州鎮擢山東巡撫仁惠愷悌行所無事禁革一切雜派世稱其忠貞三代萃於一門民有清官還生清官子之謠亦可想其爲人矣祀名宦

上同

陳世倌字秉之浙江海甯人康熙四十二年進士授編修五十七年充山東副考官雍正二年由內閣學士授山東巡撫會境內多蝗密訪各屬被蝗損稼重輕且察羣吏能否得其大畧而後視事尋疏言社會通有無濟豐歉古今可行請令每鄉立印簿捐者自注籍數不拘多寡舉公正鄉約三人輪管出入冊報官查春夏之交許民間借領至秋每石收息二斗歉則減之十年後息倍於本祇收一斗第小民可與樂成難與慮始請令各督撫於一省中先行數州縣俟有成效然後推廣又言通省丁銀請攤入地畝徵收部議從之內遷兵部尙書授文淵閣大學士乾隆九年給假回籍疏言山東劇盜田豬首等就獲因各省判案關訊待質此等大盜但數案審實卽應正法毋久稽

山東通志

卷七十四

十五

山東印書局刊印

上應其言卒諡文勤

國朝先正事略

岳溶字厚川四川成都人威信公大將軍諡襄勤鍾琪長子山陰生授西安同知雍正五年擢山東布政使六年授巡撫疏請增設兗州督捕同知又請設分巡兗沂道又言德州衛河回溜頂衝處所每雨水驟發直潰東堤請於城北哨馬營浚新河建滾水壩兩岸各築遙堤酌開洞宣洩又言堯陵實在濮州東南六十里古雷澤之東穀林莊明代設建於東平應改建以爲祭祀行禮之所其東平陵仍令有司時祭部議俱如所請乾隆元年

命勘郟城蘭山等處水衝地一千三百六十頃應徵地丁麥米得旨全行豁免又請於德州養魚池增設水師守備又請以兗州鹽捕通判移駐蘭山縣之向城舊有向城巡檢移駐青駝寺均下部

議行營重修山東志三十六卷迄今稱岳通志云

清

法敏字肇功姓伊拉哩氏滿洲鑲藍旗人由考授內閣中書累遷刑部侍郎乾隆元年授山東巡撫請將德州臨淄高唐郟城沙嶺地畝除科甯陽臨清沙瘠地畝減等起科又言德州等六州縣衛黃運二河堤壓柳占地畝及東平陽穀等六州縣所隄壓地畝礙難耕種請豁除舊徵銀米又言青州添設駐防官兵二千餘名應支粟米酌給一半其餘折給銀兩又言河撫兩標賞兵生息銀兩數用有餘請各撥出銀三千兩添給充登二鎮又言商河縣官莊鹹鹼下地應徵銀米併請豁免又濟南等府屬應徵各項稅銀其棲鋤箕帚等細小物件請免徵收均從之

上同

顧巴

一作滿洲正黃旗人姓烏雅氏乾隆元年由四川巡撫調撫

山東通志

卷七十四

十六

山東印書局刊印

山東八年調河南疏言專行社倉之法十三年東撫方觀承疏請北五省勸諭義倉

命顧巴議因言社倉外更立義倉分捐穀石仍止此數若儘捐義倉則社倉虛設且社倉散於春斂於秋緩急可資民多樂從義倉止以備賑取甲散乙小民心存爾我不能奉行轉滋勒捐仍行社倉便得

旨如議官至湖廣總督

上同

朱定元字象乾貴州黃平州人康熙五十二年舉人江南知縣累遷河南布政使乾隆四年擢山東巡撫疏言爲治之道不外教養兩端臣謹遵

諭旨隨時隨事切實訓誨飭府州縣於所轄境內廣行教化有一

事近於孝弟者從而嘉獎之不論紳農士庶據實詳報大則給扁褒獎小則語言鼓勵事有近於不孝不弟者從而警覺之先加化導繼嚴飭禁大則以律問擬小則笞杖示戒

上嘉其所奏是王道無近功須行之以實而要之以久則得矣上同

晏斯盛江西新喻人康熙六十年進士由翰林改御史累遷安徽布政使乾隆七年擢山東巡撫疏言兗州府屬被水災民今雖得賑僅資目前須先期採買麥種俟播種時借給至兗沂等屬本境既有被水災黎而時屆隆冬江省饑民復紛紛來集不惟一邑倉糧有限且恐滋事應將被水最重之魚臺滕縣各留養二百名以次之金鄉濟甯嶧縣各留養三百名其餘州縣俱留養五百名如留養已足卽給以口糧移送鄰邑若鄰邑數盈再送未盈之鄰邑

山東通志卷七十四職官 宦蹟一 十七山東印務局公刊印

侯春融資遣回籍

上嘉之遷戶部侍郎調湖北巡撫國朝 徵

喀爾吉善姓伊爾根覺羅氏滿洲正黃旗人襲騎都尉山上駟院

員外累遷山西巡撫乾隆八年調山東疏言濟武東三府屬遇旱

濟東有漕運又有府倉及臨德二倉存穀緩急可通惟武定無倉

請於登萊二府倉撥運接濟九年又言東省兵米例係按季本折

兼支春季米價昂貴兵支折色秋收米價平減轉支本色請以春

秋二季本折更換又德州海豐惠民樂陵各州縣應修城工以代

賑及時舉行又濟武二屬麥秋復被旱災雖賑借糶三者兼行而

繼此亦宜廣籌請飭各州縣於豐收之曹沂等府採買接濟並於

旨嘉允先是有人請試開臨淄卽墨等州縣山場銀銅鉛鐵各礦事下東撫勘議因言東省開採多未便且濟武災區沂曹盜藪恐生事端應照舊封禁

上覽其言官至閩浙總督諡莊恪上同

方觀承字退穀號問亭安徽桐城人雍正十一年以布衣

召用

賜中書銜隨定邊大將軍平郡王福彭赴北路軍營回京補中書

舉鴻詞科累遷直隸布政使乾隆十一年署山東巡撫疏陳稽察

漕弊嚴緝盜匪二事

諺曰足見留心地方實力行之可也國朝 先 又言安山湖地撥

民認墾升科一案查安山南旺二湖同爲運河洩水之地南旺現

山東通志卷七十四職官 宦蹟一 十八山東印務局公刊印

准報墾徵租安山請一例辦理並照直隸浹泊河灘地畝分季徵

收之法其專種夏麥者於麥後徵收兼種秋禾者分麥禾兩季徵

收則租額無減於升科而除去升科名色官地民種應徵應免可

以隨宜辦理又言委積相調義倉稱便與社倉糶賑但社倉例惟

借種義倉則借與賑兼行而取重尤在猝然之賑大要設倉宜在

鄉不宜在城積穀宜在民不宜在官秋穫告豐勸導輸納年底將

捐過穀數奏明不必開具管收除在則其數仍不在官法可行久

均報

聞十四年擢直隸總督二十二年

命同山東巡撫鶴年籌勘南運河宣洩事宜二十七年同大學士

劉世明山東巡撫何爾泰會勘山東四女寺哨馬營兩處減水引

河應加疏通並請將兩岸堤工歸德州恩縣分管其兩壩支河入海縣長請將德州州判移駐邊臨鎮專司河捕均得

旨允行卒諡端敏

濟南志

準泰字健齋姓他塔喇氏正黃旗人乾隆二年任巡鹽御史疏請

一半丁銀全攤地畝竈戶得免追呼樂業安居永無逋戶累擯安

徽巡撫調廣東山西十二年調山東十六年

上南巡自德州至紅花埠凡十三營修葺督治或謂拘虎豹備彈

弦站驪爲供奉者曰

皇上爲觀河省稼巡狩

聖書如日爲大臣者耳目未愼其可違

詔以非道悅耶除方物外無所貢泰山孔林外不置供頓清

山東通志卷七十四

職官 宣統一

十九

山東印刷公司印

蹕除道而已

國朝 類徵

鄂容安滿洲鑲藍旗人雍正十一年進士山編修累遷河南巡撫

乾隆十六年調山東時濟南府屬夏秋被水糧價增昂而沿海之

登萊青三府地僻山險轉運尤難請暫弛海禁招商前往奉天糴

運以資接濟又與河臣顧琮等合疏言張秋挂劍爭漫口堵塞西

坡來水須使有所歸宿請於壽東汛五空橋北築攔河壩一道長

二十餘丈並於橋南挑引河使水由鹽河歸海又言運河全隄自

臺兒莊至德州千餘里素稱卑薄每年伏秋兩汛風雨浸漬又漕

船往來下檣拖輦日漸殘塌應及時估修又言太行隄在黃河北

岸大隄之北兩隄相去數十里中有河一道本以宣洩頽隄以內

被水入數山湖因年久淤塞堤內田廬淹沒雍正年間於太行隄

建涵洞使隄南之水經定陶涉城武單縣魚臺等邑入昭陽湖順

因涵洞旁衝缺口定陶等邑俱受水患是涵洞必應堵塞庶太行

隄仍舊完固至兩隄夾束中間之水亦應開通舊河使免漫溢均

報

聞十九年授西路參贊大臣行至烏隆吉同班第被陷力戰自盡

特建雙忠祠諡剛烈

濟南志

白鍾山字毓秀漢軍正藍旗人由戶部筆帖式江南裏河同知累

擢蘇州布政使授南河副總河遷河東河道總督於河道情形工

程利弊熟悉周知乾隆二十年署山東巡撫疏言曲阜縣知縣請

改爲在外選員調補不必拘用孔氏族人下部議准令現任曲阜

令孔傳松赴部以外省知縣另補

山東通志卷七十四

職官 宣統一

二十

山東印刷公司印

諭著加恩授爲世襲六品官仍令揀選充補旋調南河總督卒諡

莊恪

上同

鶴年滿洲鑲藍旗人姓伊爾根氏乾隆元年進士由檢討累遷廣

東巡撫二十一年調山東巡撫疏言濟甯魚臺金鄉滕嶧五州縣

積潦成災請賑卹二十二年正月

高宗純皇帝南巡過山東鶴年迎

駕

御製詩賜之因言海豐縣地處海濱東北鄉黎敬五莊低窪易淤

積欠較多請將乾隆十一年至二十年舊欠

恩予豁免其地畝糧稅並照下則徵收

詔如所請是年七月又言漳河暴漲張注衛河館陶冠縣猝被水

災無從宣洩致濟甯金鄉等處既涸復淹

諭往勘疏銷賑恤旋遷兩廣總督疏稱東省水患頻仍臣奉

命勘辦與奏曰修會議濬伊家河以洩微山湖之水其河自韓莊

迤西舊有河形處起至江南之梁旺城入運計程七十里需銀十

三四萬一切須臣經理又尚有與河臣張師載勘濬運河並築堤

工程皆刻不容已之事懇

恩留臣督辦疏上因有仍回山東以總督辦巡撫事之

命伊家河工竣未幾卒

卹贈如例諡文勤

崔應階字吉升湖北江夏人由廕生順天府通判累遷江蘇按察

使乾隆二十四年授山東布政使二十八年擢巡撫先是前撫臣

山東通志卷七十四 職官 宦蹟一 二十一 山東印務局印

晏斯盛疏准東省銷鹽額票分三等令商人按票輸穀因請以所

輸穀分儲常平以裕倉儲又請浚荆山橋舊河以洩濟甯魚臺積

水又言山東武城縣東岸之牛蹄窩祝官屯及西岸之蔡河遇坡

水匯注俱爲隄隔不得入運河及浸灌民田請各建石閘設版啟

閉均如所議行又言民壯之設所以巡緝賊匪防護監倉地方官

不知教練以致有名無實近將本省各州縣民壯汰老弱選精壯

並令改習鳥鎗與營伍無二則合東省而計不增糧餉已得精壯

三千餘人疏入得

旨嘉獎又言武定所屬地方濱海水患頻仍一在徒駭河尾閘不

暢一在鉤盤河淤塞不挑因查徒駭河有舊漫口一道徑二十五

里寬或二十餘丈四五十丈每遇徒駭水勢滿槽即由此分流仍

歸正河入海若將此開濬寬深庶上游五百餘里來源歸海得以

迅速又武定爲衆水所匯有八方泊者上承諸窪經年不涸每遇

伏秋霖雨上游諸水歸泊下游又多阻滯水勢倒漾田每被淹泊

東北爲古鉤盤河經百三十餘里久經湮廢實武定一郡洩水最

要之區若就古河形勢酌量開濬藉以引水入海則上游不致停

蓄而諸窪之水亦得順流而下報

聞三十二年調福建巡撫旋擢總督官至刑部尙書

富明安姓富察氏滿洲鑲紅旗人由筆帖式選戶部主事累遷山

西布政使乾隆三十三年授山東巡撫疏請挑濬高密縣百脈湖

引膠河之水北入膠萊運河俾夏秋不至漫溢又言小清河由章

邱長白山發源東至新城高苑兩縣界分北條爲支脈溝又東至

山東通志卷七十四 職官 宦蹟一 二十二 山東印務局印

博興縣分南條爲預備河其中條則仍爲小清分宣入樂安之淄

河歸海近年諸湖水漲中多淤塞併支脈溝預備河亦俱淤滯以

致良田數千頃常被水害欲弭其患應從樂安始現於樂安之小

清河挑淤培隄並將支脈溝預備河大加挑濬仍飭上游各縣一

體挑通淤淺不特博興之夾河樂安之八溝等處可復膏腴即章

邱鄒平長山新城高苑等縣附近湖泊地畝涸出必多於民生大

有裨益且各縣居民咸知利病切已俱願出力興工無庸費帑

諭曰有利民生之事應爲者爲之但不可滋弊耳又言濟甯州西

北一帶坐落運河西岸緊靠運隄地處下游水多匯注又以運河

勢高不能放水入運遂致間段停積惟西面原有溝渠五道現已

逐一疏通俾南流入牛頭河歸昭陽湖又蘭山縣沂河西岸工風

口支河一道原建滾水石壩年久蟄陷一百餘丈已簡修整并至
澧河一道在江風口北淤淺應挑者四千八百餘丈其餘墨河及
響水等溝二十餘道均有淺滯現俱挑挖深通足資宣洩

論曰此實勤民之本也官至湖廣總督卒證恭恪上同

何煥字謙之浙江山陰人靖州籍以州同效力河工擢運河道累
遷河南布政使乾隆三十六年授山東巡撫老誠練達誠篤恪勤
體國愛民實心經理三十九年加授總督兼兵部尚書值山東逆
匪王倫之亂

命督兵會剿事平回至內黃卒證恭惠上同

徐績漢軍正藍旗人乾隆丁卯舉人以知州揀發東河累擢山東

按察使三十六年由工部右侍郎授山東巡撫疏言山東各府所

山東通志卷七十四職官 宦蹟一 二十三山東印刷公司印

屬常平倉穀向來春借民欠應於麥秋二收之後分別徵還但民
間現穫者麥應完者穀若令糶麥易穀還倉難免展轉虧折或因
此輸納不前應請乘茲麥秋豐稔即令民戶將應完穀石交麥六
斗抵穀一石還倉如有情願還穀者仍聽其便庶農民易於完納
倉儲日漸充盈惟麥性不耐久儲而明春出借仍可徵穀還倉一
轉移間民無糶糴之煩倉有實存之數洵屬公私交益疏入報

聞上同

楊景素字樸園江南甘泉人由直隸蠡縣令擢道府累遷布政使
乾隆三十九年山東逆匪王倫之亂陷陽穀壽張堂邑犯臨清據
開口奪糧船為橋勢欲西竄時景素駐景州督糧餉遣幹將扼臨
清西岸縱火焚橋又檣賊於三岔河並燬其渡船自是河西無賊

蹤會大學士舒赫德大軍進圍臨清舊城景素令軍士截取河中
船移泊西岸列兵河上防賊逸賊遂平露布上

聞十月授山東巡撫職補 首以稽查保甲為要務并請揀京師健

銳火器營游擊都司等員發山東專司教演又疏言汶上縣境之

宋家窪舊有引渠一道南入趙王河達南陽昭陽二湖因年久淤

墊窪水停留民田被淹今議自牛鼻潭起至嘉祥縣鄭家橋止將

渠身挑浚河底挖深三尺又黃姑開金門狹窄應挑月河一道使

分流開外再挑支河二道各長二百五十丈使窪低之水盡引入

渠其引渠入河處恐河水旺渠水弱應於白蓮花寺開支河一道

俾渠水直達鄭家橋歸湖下部議行官至直隸總督濟南志

明興滿洲鑲黃旗人姓富察氏山筆帖式授保定府理事同知累

山東通志卷七十四職官 宦蹟一 二十四山東印刷公司印

擢直隸布政使乾隆四十七年授山東巡撫御史錢禮奏查山東

虧缺

上以明興係新任巡撫無所瞻顧

諭將章邱東平益都與歷城一律親往盤查至通省州縣著明興

詳查妥辦予限彌補疏稱通省虧缺約二百餘萬照虧缺多寡員

缺大小核定期限統於一二年全數彌補尋奏通省依限完全又

以曹克濟甯各州縣衛連值大雨湖河漲溢地畝被淹遵

旨查勘疏請展賑五十二年授刑部侍郎旋

命詣山東督濬河道疏言會勘濟甯楊家廬及汶源各泉一律疏

濬工竣授山西巡撫上同

覺羅長麟號牧菴滿洲正藍旗人乾隆四十年進士由刑部主事

遷郎中累遷江蘇布政使五十二年授山東巡撫疏言東省河道請責成州縣疏濬倘有淤墊照河工隄岸不先修築例議處又請修新城等四十一州縣城工俱如所請行官至刑部尚書協辦大學士諡文敏

同上

福甯滿洲鑲藍旗人姓伊爾根覺羅氏繙譯生員由光祿寺署正累擢甘肅布政使湖北巡撫乾隆五十八年調撫山東越歲

命辦辦衛河運務疏稱臨清以北水淺不敷行運若於官備撥船之外添雇民船又恐河水長落靡常請先籌撈淺束壩其汶河之水稍遲啓放以待江廣重運是年秋漳衛二河並漲館陶冠縣邱縣一帶被水成災率運河道啟放閘座疏消積水撫恤災黎

上以辦理得宜優敘之時江南豐碭兩岸壩埝三十餘道有礙曹山東通志

卷七十四

職官

一二十五

山東印務局

單漫水去路會同江督蘇凌阿河督蘭第錫疏稱酌定南北兩岸各壩去留俾豫東水勢得以暢流下注而下游黃河亦不致溜緩停淤疏入

諭所奏甚為明晰即照此辦理官至湖廣總督

同上

畢沅號秋帆江蘇太倉人乾隆庚辰進士

廷對第一授修撰遷左庶子授甘肅鞏秦階道累擢湖廣總督乾隆五十九年改任山東巡撫時臨清館陶諸州縣被水遘

旨加兩倍賑恤豁免秋糧及本年漕米遣官分赴豐收處購運糧米備來歲平糶六十年

恩詔普免各省民欠查出東省節年所欠正耗銀四百八十七萬兩有奇常平社倉米穀五十萬石有奇命奏除之時已得再任湖

督之

命拜疏而後行惟恐弗及也

正事 國朝先

王德號達齊滿洲正紅旗人姓瓜爾佳氏考授內閣中書累遷湖南岳常澧道歷山東濟東泰武臨道擢按察使遷安徽布政乾隆六十年授山東巡撫疏言會商江督蘇凌阿擒捕洋盜儼有賊船北竄追至鄰境以兩礮為號鄰省兵船即放兩礮接應又言東省水師額設戰船十二隻未能如商船之便捷因與鎮臣奏明添雇商船巡緝第思雇船多費不若將應修營船改鑄商船式樣俾資駕馭而收實效下部議行官至閩浙總督

濟南

伊江阿滿洲正白旗人姓拜都氏由理藩院筆帖式累遷刑部侍郎嘉慶元年授山東巡撫疏言豐汎漫水淹及濟甯魚鱉村莊撫

恤完竣籌辦窪地積水糧艘過行無阻並協濟江南料物全數運工俱照時價購辦並不絲毫派累民間得

山東通志

卷七十四

職官

一二十六

山東印務局

旨嘉勉

同上

陳大文號簡亭河南杞縣人浙江會稽籍乾隆二十七年進士以主事分吏部擢郎中累遷江甯布政使嘉慶四年由廣東巡撫調撫山東疏言曹單等處積水未消量給展賑城郭久淹興工疏築被水州縣懇請緩征工程水利秋後興修凡四事均如所請又以濱海居民向立門牌日久視為具文應再申明定例切實稽查期於有犯必懲毋使有名無實又以東省漕幫旗丁陋規積弊開單

請旨查禁官至工部尚書兩江總督

同上

鐵保號梅禽滿洲正黃旗人姓棟鄂氏乾隆三十七年進士以主事分吏部累擢禮部左侍郎授漕運總督調廣東巡撫嘉慶八年調山東巡撫訓練營伍幫貼兵丁請立昭忠祠捐修鄒縣孟廟創建濟南書院勸諭回民安分守法清查倉庫設法彌補撫東二年值衡家樓漫口下游穿運駐張秋者十閱月堵築漫口一百十八丈在省不過年餘而各屬彌補庫項收實銀五十三萬兩採買倉穀六十萬石被水十九州縣督辦賑務無流離轉徙者獲沂州民田五虎冠縣戴老紅蠶役李瀾祥俱置之法以除民害十年擢兩江總督官至吏部尚書

上同

同興滿洲鑲黃旗人姓鈕祜祿氏由堂主事遷直隸霸昌道累擢雲南巡撫嘉慶十六年調山東巡撫十七年以東平州境內小清河爲分洩汶河盛漲之所安流龍拱二河疏洳州境積水民便河

山東通志

卷七十四

職官

二十七

山東印刷局公印

匯注泉源達汶濟運均係民田運道攸關日久淤塞奏請疏浚允之十八年九月河南教匪李文成作亂陷滑縣賊黨之在山東

者蠶起應之定陶曹縣俱不守同興率鹽運使劉清詣曹州督勦遂由曹州進取定陶韓家大廟扈家集曹縣劉家岡郝家集榮家

菜園李家樓宗家樓等處山東賊平

上同

陳預字立凡順天宛平人乾隆五十五年進士刑部郎中授山東兗沂曹道累擢福建巡撫嘉慶十九年調山東巡撫疏言青州駐防滿營兵丁生齒日繁請於閑散莊丁內擇其材堪造就者二百四十名作爲餘兵酌提司庫銀二萬四千兩並滿營所存馬價銀四千兩發商生息以資養贍又請添設曹州鎮及鎮標右營撥鉅

野臨清東昌壽張梁山高唐德州七營隸之下部請行

和舜武字虞亭滿洲鑲藍旗人由兵部郎中歷江甯廣東監司河南廣東按察使遷山東布政使初東省州縣按缺繁簡歲出廉銀自數百至二三千不等解司收納名曰節省久遂爲例州縣因而負累者多議裁未果擢山西巡撫去嘉慶二十三年由河南調撫山東因以前事疏請裁革先是通省州縣虧項數至百萬及事覺悉逮繫既知其狀遂以每年所輸節省銀按數多寡抵其半餘令緩補並請開復及議行同時出獄者凡五十餘人時驛路多劫斃商旅畏苦之嚴飭官吏講求緝捕道路肅清居民安堵在任年餘卒於官諡恭慎歸櫬出省之日吏民號譟相送至路不容車云

上同

程含章先世改姓羅雲南景東廳人乾隆五十七年舉人大挑一山東通志

卷七十四

職官

二十八

山東印刷局公印

等由廣東知縣累遷廣州府歷山東兗沂曹濟道按察使河南布政使廣東巡撫道光二年調山東巡撫以齊河禹城高唐等州縣被水歉收奏請減價出糶倉穀又以二里壩石隄年久失修請以司庫節省項下修理均下部議行旋調撫江西督倉場七年復由浙撫調東撫左遷福建布政使

國朝舊制類改

程國仁字鶴樵河南商城人嘉慶四年進士由編修改御史授山東按察使年餘議定積贖六十餘起而越訴之風稍沮累遷浙江巡撫二十四年調山東巡撫疏陳整飭山東事宜一嚴交代以當盤查一崇教化以清邪慝一搜查積窩以治盜藪一嚴拏訟棍以杜訟根一先立治源以回風氣疏入

上嘉之

廣南